

Universitätsbibliothek Paderborn

**De Vita Et Morte Illvstrissimi Sanctissimique Principis Et
Domini D. Iacobi, Marchionis Badensis & Hachburgici,
Landgrajij in Suseberg, Domini in Röteln &
Badenuueiler, Orationes Dvæ**

Pistorius, Johann

Coloniae, 1591

VD16 P 3055

Reverendis Illvstrissimoqve Domino, D. Octavio Episcopo Alexandrino,
Domini Sanctissimi nostri ad Heluetios & vicinos Germanos Legato, Domino
suo humiliter officioseqúe colendo.

urn:nbn:de:hbz:466:1-43327

REVERENDIS.
ILLVSTRISSIMO QVE
DOMINO, D. OCTAVIO EPISCO-
PO ALEXANDRINO, DOMINI SAN-
ctissimi nostri ad Heluetios & vicinos
Germanos Legato, Domino suo
humiliter officioseque
colendo.



V M orationes duas, de vita
& morte Sanctissimi Illustris-
simique Principis IACOBI
Marchionis in publicum re-
ferre constituissem : Reue-
rendiss. Illustrissimeque Do-
miae:nec vellem, ut commu-
nem sine prorsus omni patro-
cinio aspicerent lucem : non
quod vehementer defensionem postularent : sed
quod illum doctorum hominum morem, positum in
ætatis nostræ consuetudine , imitandum esse senti-
rem : visum est cum primis Reuerendiss. Illustrissi-
mamque Dom. affari Tuam , simulq; pro studio sum-
mo meo rogare , ut optimi maximique Principis
laudationem , suscipiendam benevolentia , & com-
pletebendam cura , & ornandam autoritate iudica-
ret.

Illa iam ante obitum Illustrissimus Princeps cum
Reuerendiss. Illustrissimaq; Dom. Tua ieccerat incre-
dibilis
† 2

E P I S T O L A

dibilis amoris semina: & tantis defixerat, tamque fir-
mis radicibus: vt, si vixisset diutius, ad Illustriss. Dom.
Tuam vim vniuersam amoris benignitatisque suæ
transtulisset: præsertim, cùm Celsitudinem illius D.
Tua multis affecisset maximis ornamentis, summisq;
beneficijs: nec verbis tantum benevolentiam, quam
tribueret, sed factis testatam reliquisset. Memini,
quem honorem Reuerendiss. D. Tuæ, si Hachbergam
veniret, quod singulariter concupiscebatur, voluntate
iam sententiaque sua decreuerat Princeps: & quo-
modo beatum se existimaret, si hospitium facere tan-
to Viro, tamque syncero amico posset; cuius inter-
cessione in paternam gratiam influxerat Sanctissimi
Domini nostri Sixti Quinti. Etsi verò mortem interim
Princeps sanctissimè, & ad omnium posterorum me-
moriā gloriōsè oppetiuit: nec quod maxima dili-
gentia contendit, in conspectum venit Reuerendiss.
Tuæ Illustrissimæque Dom. tamen non obscuris signis
perspeximus hactenus, quemadmodum semel ex li-
teris comprehensum, & honestissimè ex religionis
virtutisq; studio conciliatum amorem, istis vinculis
Reuerendiss. Illustrissimaque Dom. in animo illiga-
uerit: vt defluere maxima longinquitate infiniti tem-
poris, aut deleri obliuione non possit: Et plus se iam in
orbitate, cùm ab externo aspectu nostro subductus
Princeps, & perlatus in cœlum fuit, quotidie nouis
accessionibus confirmet: quod vsu venire solet sa-
penumerò, cùm iacturam factam ex amicorum obi-
tu, & memoriam benevolentiae, perfecto constan-
tiique iudicio perpendimus, vt amorem, qui nos cum
illis coniunxerat, tanquam nouis facibus accensum,
magis suscitemus, animumque totum appellamus ad
eos amandos, ad quos abstractos à nobis officia reli-
qua deinde nostra non proficiscuntur.

Ita-

DEDICATORIA.

Itaque & tunc statim , cùm de morte amici Principis nunciatum esset , perculta Reuerendiss. Dom. Tua fuit , vt correpta à grauissimo morbo , vix se ad huc recolligat : & diem præterfluere nullum , ne qui-dem hodie finit , quo sensum interni doloris , quem inde suscepit , clarissimis signis non demonstrat : & quo non de propaganda posteris Sanctissimi Herois memoria , & de fructu amicitia tribuendo viduæ & liberi cogitet.

Id cùm scirem , nihil putauī ab officio me alieno facere meo : si librum de Principe scriptum , sub eius nomine , qui vnicè illum amasset , publicarem : & quos à mutuo aspectu inexpectata celeritas moriendi in IACOBO Sanctissimo Principe abstraxit , eos ego ante totius mundi oculos in uno coniungerem libro . Deinde meritorum magnitudo , quæ in me Reuerendiss. effudit Illustrissimaque Dom. Tua , omnino testificationem grati animi , memoriamque publicam reposcebat : vt qui me beneficijs cumulasset , huic ego , quamquam ad parem gratiam referendam impar , tamen plurimum à me deberi , publico testimonio significarem . Nec ægrè Reuerendiss. Dom. spero laturam : cùm ad amorem respiciet , quo complexa Principem fuit : & cùm considerabit , non ad tenuitatem meam , sed ad Argumenti , in quo versor , præstantiam , & ad maximi Principis virtutes attendendum animum , & referendam cogitationem esse : tantoque magis , cùm ad scriptionem literaria cohortatione impulsum me fecisse recordabitur .

Cùm enim Germanis nostris , quām gloriose ,
quantaq; in viuendo & moriendo sanctimonia ex vita mortalii in cœlestem beatitudinem profectus .

† 3

ceps

EPISTOLA

ceps esset, celeriter paucis chartis legendum dedissen,
cæq; in manus Illuſtriss. perueniſſent Dom. Tuæ: me-
minit quemadmodum continuò vt Latinis literis
conuerterem, pro iure, quod in me habet, mandaret,
& simul futurum præmoneret, vt res ista accideret
omnibus Italîs, & ad nostram linguam non instru-
ctis pergrata: cui profectò morigerandum summo stu-
dio, maximaq; alacritate fuit, vt quanta veneratione
à me coleretur, & quâm ad bene humilimeque de illa
promerendum paratus essem, luculenta perspicua-
que testatione ostenderem.

Fateor ad perfectam dicendi rationem, & ad
illam speciem, quam in laudando Principe spectari
oportet, me, vt peruenirem, non contendisse: nec vo-
luisse, vt res per se clarissimè ad summam dignitatem
lucens, minori alieno lumine, ne quidem si facultat-
em aliquam in dicendo, diligentia & studium affer-
re potuisset, inobscuraretur. Illuminari enim verbis
res maximæ, & ab omni pene remotæ intelligentia
non possunt: & quô plus fuci aspergitur, hoc red-
duntur deformiores. Itaque in id solum incubui: non
vt elaborata oratione illustrarem: qui enim id acci-
dere potuit? sed vt in optimo lumine positas Prin-
cipis virtutes, quoquo modo literis Latinis profer-
rem: Et præsertim sic in prima oratione deiectus lu-
ctu, & obtritus dolore animus erat, vt ægrè ad aspicien-
dam lucem publicam attolleretur: neque ad perqui-
rendam artis varietatem conuerti posset: qua in re
spero, omnes, qui lamenta nostra aspicerunt, datu-
ros libenter veniam.

Vt verò hebetata maximo dolore acies ingenij,
in summa celeritate & occupationibus plurimis in-
tendi

DEDICATORIA.

tendi potuit : & vt res per se luminosa , vt sine magno studio hominibus nostris, non ornata pigmentis , sed ad veritatem nudè tradita , proponeretur , dignitate summa flagitauit: sic , quæ de Illustrissimi Herois relictæ à parentibus & parta studio , & infusa è cœlo sparsaque per omnium terrarum orbem virtute in mentem venerunt , & recordari eousque acerbitas doloris sinebat , subito in chartas conieci : & distributa per orationes duas , iussi non tantum in Schola nostra ab adolescentibus duobus recitari : sed etiam exscriptas typis , sub nomine patrocinio- que Reuerendiss. Illustrissimæque Dominationis tuae emitti in lucem.

Nec iam restat quicquam , nisi vt Illustriss. Tua Reuerendissimæque Dom . quod ab initio rogan- dum duxi , habitas de tanto Principe , & amico Dom. Tuæ maximo orationes , quanquam celeriter & in squalore luctuque communi scriptas , tamen in cu- ram defensionemque suam clementer recipiat , & illa quidem infinitum amorem , quo semel comple- xa me fuit , tribuendum semper & perpetuandum esse putet : Ego verò ad humiliter eam obseruan- dam , & ad vniuersum officiorum profundendum studiorumque meorum fructum nullam vnquam sig- nificationem intermittam , idque factis magis , quam verbis declarém.

Deus Pater Domini & Saluatoris nostri Iesu Chri- sti Reuerendis. Tuam Illustrissimamq; Dom.in excel- so positam religiosæ dignitatis gradu , ad defenden- dam Ecclesię Christi contra Hæreticos puritatem , & ad lumen nobis cæteris sanctimonia diligentiaque sua præferendum diutissimè florentem rerum opta- bilium

EPIST. DEDICAT.

bilium omnium possessione conseruet: & tandem
plenissimam meritorum in Ecclesiam, post decur-
sam maximam ætatem, transferat in cælum, ad fru-
endam laborum, quos hic sustinuit, sempiternam in
sanguine Christi mercedem. Amen. Ex Mespурgo,
arce Illustriss. & Reuerendiss. D. Austriaci Car-
inalis, clementissimi Principis mei, cùm in
via essem in Bauariam. Anno post
Christum natum M. D.
XCI. 12. Calend.
Martij.

Reuerendiss. Illustrissime
que Dom. Tue

obseruantissimus filius
G. seruus

Ioannes Pistorius
Nidamus D.



ORA-